

SAKSPAPIR

Saksnr	Utval	Type	Dato
102/20	Formannskapet	PS	25.11.2020
098/20	Heradsstyret	PS	09.12.2020

Saksbehandlar	ArkivsakID
Pelle Engeseter	20/715

Endeleg godkjenning av Planstrategi for Osterøy kommune 2021-2024

Vedlegg:

PLANSTRATEGI 2021-2024_revidert

Innspel og merknader_planstrategi

Rådmannen sitt framlegg til vedtak:

Planstrategi for Osterøy kommune 2021-2024, dagsett 16.11.20, vert vedteken som styrande verkøy av ressursar for perioden 2021-2024 med dei merknader heradsstyret kom med på møte 17.06.20, og med dei innspel som kom inn i høyringsrunden.

Formannskapet - 102/20

FS - behandling:

AVRØYSTING:

Rådmann sitt framlegg - Samrøystes vedteke

FS - vedtak:

Planstrategi for Osterøy kommune 2021-2024, dagsett 16.11.20, vert vedteken som styrande verkøy av ressursar for perioden 2021-2024 med dei merknader heradsstyret kom med på møte 17.06.20, og med dei innspel som kom inn i høyringsrunden.

Heradsstyret - 098/20

HS - behandling:

AVRØYSTING

Formannskapet si innstilling - samrøystes vedteken (5SP,1V,1MDG,3KRF,2SV,4AP,4H,7FRP)

HS - vedtak:

"Planstrategi for Osterøy kommune 2021-2024, dagsett 16.11.20, vert vedteken som styrande verkøy av ressursar for perioden 2021-2024 med dei merknader heradsstyret kom med på møte 17.06.20, og med dei innspel som kom inn i høyringsrunden."

Saksopplysningar:

Saksopplysningar:

Planstrategien har vore til politisk handsaming i utvala som vist under:

Saksnr	Utval	Type	Dato
055/20	Plan- og kommunalteknisk utval	PS	03.06.2020
043/20	Formannskapet	PS	10.06.2020
034/20	Heradsstyret	PS	17.06.2020

Det vart gjort følgjande vedtak i heradsstyret sitt møte 17.juni 2020:

"Med heimel i plan og bygningslova § 10-1 vert Kommunal planstrategi for Osterøy kommune 2020-2024, dagsett 20.05.20, med følgjande slik endring: Tabell 4, 5 og 6 (side 29 og 30) i dokumentet vert oppdatert med ei kolonne som skildrar kva sektor planen høyrer til, vert vedteken som styrande verktøy av ressursar for perioden 2020-2024. Framlegget til planstrategi vert lagt på høyring før endeleg vedtak i heradsstyret, jfr. pbl. § 10-1."

Den reviderte utgåva av planstrategien har teke Heradsstyret sitt ønskje om å sette inn ei kolonne som skildrar kva sektor planen høyrer til, til følge.

Planstrategien vart sendt ut på høyring til regionale mynde og nabokommunar i september 2020, samstundes som det vart opna for innspel frå sektorane i Osterøy kommune. Det kom inn merknader frå Vestland fylkeskommune, Fylkesmannen i Vestland, Invest in Bergen og Vaksdal kommune. Fylkeskommunen kom med innspel frå fleire sektorar, mellom anna om det er mogleg å redusere tal planar og strategiar ved å samle fleire tema i samfunnsdelen, og som arealstrategiar. Fleire sektorar står opp under fortettingsstrategi og lokalsenterutvikling, både med grunngjeving i berekraftsmål, trafiksikring og levande bygder. Det vart også peika på at Espevoll utgjør eit viktig strategisk næringsareal i kommunen. Det kom eit konkret framlegg om å ta inn «Plan for ferdselsårer» i planstrategien. Det vart teke til følge. Dei andre merknadane vart teke til vitande.

Frå Osterøy kommune kom det framlegg frå Helse og Sosial, og frå Plan. Ein valte å ta inn fem nye temaplanar der tre er naudsynte og påkravde, medan to er ønskelege. Det vil også bli sett i gang to kommunale reguleringsplanar, ein i Haus sentrum med formål bustad, og ein i Hauge (Bu- og avlastingsstenester - BUA).

NYE PLANAR I PLANSTRATEGIEN	Merknader
Legeplan	Framlegg frå HOS. Temaplan.
Temaplan for psykisk helse og rus	Framlegg frå HOS. Temaplan.
Pandemiplan	Framlegg frå HOS. Temaplan.
Temaplan for barnehage	Framlegg frå Oppvekst. Temaplan.
Temaplan for ferdselsårer i kommunen	Framlegg frå Vestland fylkeskommune. Temaplan.
Reguleringsplan Haus sentrum	Oppføring av bustader.
Reguleringsplan Hauge	Bu- og avlastingsstenester (BUA).

I tillegg er kulturminneplanen omgjord frå temaplan til kommunedelplan etter ønskje frå fylkeskommunen. Her vil ein freiste samkøyre planprosessen med arbeidet med kommuneplanens arealdel som vil starte opp like over nyåret.

Planstrategien som vart vedteken i heradsstyret 17. juni bar tittelen «Planstrategi for Osterøy kommune 2020-2024». I den reviderte versjonen er årstala endra til «2021-2024» sidan det reflekter planperioden. Planstrategien har likevel med 2020 i gjennomgangen av di dette er relevant for heilskapen.

Bakgrunn

Ein syner her til sak 034/20 i heradsstyremøte 17.06.2020 der planstrategien vert endeleg vedteken når vedtaksendringane frå heradsstyret vert teke til følgje.

Vurdering

Planstrategien har tatt inn heradsstyret sitt ønskje om ei kolonne med planansvar, og har tatt inn relevante merknader og framlegg som kom i høyringsrunden. Planforslag frå Osterøy kommune er også tekne inn. Hovudtrekka av desse er vist i saksframlegget. Det vert elles synt til vedlagt revidert planstrategi. Ein vurderer det slik at kommunen vil ha kapasitet til å utarbeide planane som er tekne inn i planstrategien innan dei fristar som er sett.

Planane som er tekne inn i planstrategien etter høyringsrunden utgjer viktige plandokument som kommunen må utarbeide.

Folkehelse:

Planstrategien har fokus på folkehelse.

Miljø:

Planstrategien har fokus på miljø.

Økonomi:

Planstrategien har fokus på økonomi.

Konklusjon

Rådmannen rår til at revidert Planstrategi for Osterøy kommune 2021-2024 vert vedteke som styrande verktøy for prioritering av oppgåver i komande periode.